

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება № 01-02/278

ქ. ბათუმი

30 ნოემბერი, 2022 წელი

ბსუ-ს პროფესიულ პროგრამაზე „ინფორმაციის ტექნოლოგიის მხარდაჭერა“ სხვა პროფესიული საგანმანათლებლო დაწესებულებებიდან გადმოყვანისათვის გარე მობილობის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, „პროფესიული განათლების შესახებ“ საქართველოს კანონის, ბსუ-ს წესდების მე-13 მუხლის, „პროფესიული საგანმანათლებლო დაწესებულებების ავტორიზაციის საბჭოს: 2020 წლის 7 თებერვლის N19, 2020 წლის 31 ივლისის MES 1200000649005 და 2020 წლის 31 ივლისის MES 0200000649004 გადაწყვეტილებების, „პროფესიული განათლების დაფინანსების წესისა და პირობების განსაზღვრისა და პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობის დამტკიცების თაობაზე“ საქართველოს მთავრობის 2013 წლის 19 სექტემბრის N244 დადგენილების, „2022 წლის 5 აპრილის N353012 ბრძანება „2022 წელს პროფესიულ საგანმანათლებლო პროგრამებზე სწავლის დაწყების თარიღის განსაზღვრის შესახებ“ საქართველოს განათლებისა და მეცნიერების მინისტრის 2022 წლის 31 იანვრის N92471 ბრძანების, „2022 წელს პროფესიული საგანმანათლებლო პროგრამებზე რეგისტრაციის მიზნით, აპლიკანტთა რეგისტრაციის ვადის დადგენის შესახებ“ საქართველოს განათლებისა და მეცნიერების მინისტრის 2022 წლის 05 აპრილის N353013 ბრძანების, „2022 წელს, პროფესიული საგანმანათლებლო პროგრამის განმახორციელებელი საგანმანათლებლო დაწესებულების მიერ აპლიკანტთა პროფესიულ საგანმანათლებლო პროგრამაზე ჩარიცხვის შესახებ ინდივიდუალური ადმინისტრაციულ-სამართლებრივი აქტის გამოცემის ვადის დადგენის შესახებ“ საქართველოს განათლებისა და მეცნიერების მინისტრის 2022 წლის 05 აპრილის N353014 ბრძანების, "2022 წელს პროფესიულ საგანმანათლებლო პროგრამებზე ჩარიცხვის მიზნით, აპლიკანტთა შერჩევის პერიოდის განსაზღვრის თაობაზე" საქართველოს განათლებისა და მეცნიერების მინისტრის 2022 წლის 05 აპრილის N353017 ბრძანების, „აპლიკანტის მიერ, 2022 წელს პროფესიულ საგანმანათლებლო პროგრამაზე რეგისტრაციისას რამდენიმე პროფესიული საგანმანათლებლო პროგრამის არჩევის შემთხვევაში, აპლიკანტისათვის რეიტინგში მისი ადგილის შესახებ (რეიტინგული ქულის გათვალისწინებით, ყველა არჩეული პროგრამის მიხედვით) ინფორმაციის ხელმისაწვდომობის შემდეგ, სარეგისტრაციო სისტემაში

რეგისტრაციისას მითითებული იმ პროფესიული საგანმანათლებლო პროგრამებიდან ერთ-ერთის, რომელზეც მოიპოვა ჩარიცხვის უფლება, არჩევის ვადის დადგენის შესახებ“ საქართველოს განათლებისა და მეცნიერების მინისტრის 2022 წლის 05 აპრილის N353018 ბრძანების, „ბსუ-ს პროფესიულ საგანმანათლებლო პროგრამებზე 2022 წლის შემოდგომისათვის მიღების გამოცხადების შესახებ“ ბსუ-ს რექტორის 2022 წლის 29 აპრილის N01-02/101 ბრძანების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 08 თებერვლის N01-02/11 ბრძანების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 08 თებერვლის N01-02/11 ბრძანებაში ცვლილების და დამატების შესახებ ბსუ-ს რექტორის 2021 წლის 08 ივლისის N01-02/103 ბრძანების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 08 თებერვლის N01-02/11 ბრძანებაში ცვლილების და დამატების შესახებ ბსუ-ს რექტორის 2022 წლის 24 ივნისის N01-02/149 ბრძანების, „ბსუ-ს პროფესიულ საგანმანათლებლო პროგრამებზე აპლიკანტთა შერჩევის წესის დამტკიცების შესახებ“ ბსუ-ს რექტორის 2021 წლის 16 ივლისის №01-02/115 ბრძანების, „პროფესიულ საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2021 წლის 2 ივლისის N422/ზ ბრძანების, ბსუ-ს პროფესიული პროგრამების მართვისა და უწყვეტი განათლების ცენტრის სასწავლო პროცესის მართვის მენეჯერის 2022 წლის 29 ნოემბრის №1515498 სამსახურებრივი ბარათის საფუძველზე,

ვ ბ რ ძ ა ნ ე ბ:

1. ბსუ-ს პროფესიულ პროგრამაზე „ინფორმაციის ტექნოლოგიის მხარდაჭერა“ სხვა პროფესიული საგანმანათლებლო დაწესებულებებიდან ბსუ-ში პროფესიულ სტუდენტთა გადმოყვანის (გარე მობილობის) და 2022 წლის საშემოდგომო მიღების პროფესიულ სტუდენტებთან ერთად სწავლის გაგრძელების მიზნით ვაკანტურ ადგილებზე გამოცხადდეს მიღება წინამდებარე ბრძანების N1 დანართის შესაბამისად.
2. ბსუ-ში გარე მობილობის მსურველებმა 2022 წლის 01 დეკემბრიდან 08 დეკემბრის ჩათვლით, 10:00-დან 18:00 საათამდე, ხელშეკრულების გაფორმებისა და პირადი საქმის გახსნის მიზნით ბსუ-ს პროფესიული პროგრამების მართვისა და უწყვეტი განათლების ცენტრის ადმინისტრაციაში (ქ. ბათუმი, ლეონიძის ქ. N15, VI კორპუსი, მე-3 სართული, ოთახი N306) წარმოადგინონ შემდეგი დოკუმენტაცია:

ა) განცხადება (თუ აპლიკანტი ქმედუუნაროა/შეზღუდულქმედუნარიანია, განცხადება უნდა წარმოადგინოს მშობელმა/კანონიერმა წარმომადგენელმა);

ბ) პირადობის დამადასტურებელი მოწმობის ასლი (ქმედუუნარო/შეზღუდულქმედუნარიანი პირის შემთხვევაში ასევე მშობლის/კანონიერი წარმომადგენლის პირადობის მოწმობა და უფლებამოსილების დამადასტურებელი დოკუმენტი - პროგრამაზე ჩარიცხვის უფლებამოსილებული პირის დაბადების მოწმობა ან მეურვეობის დამადასტურებელი დოკუმენტი, რომელიც ადასტურებს განცხადების წარმოდგენაზე და ხელშეკრულების გაფორმებაზე უფლებამოსილებას);

გ) შესაბამისი დაწესებულების უფლებამოსილი ორგანოს მიერ გაცემული ცნობა სტუდენტის სტატუსის და მის მიერ მიღწეული სწავლის შედეგების შესახებ (გავლილი სასწავლო კურსების/მოდულების დამოწმებული სია). შპს ბათუმის დამოუკიდებელი სასწავლებლის (რომლის ავტორიზაცია გაუქმდა პროფესიული საგანმანათლებლო დაწესებულებების ავტორიზაციის საბჭოს 2022 წლის 15 ნოემბრის N 1459091 გადაწყვეტილებით) პროფესიული სტუდენტის სტატუსზეწერებული პირების სტატუსის და გარე მობილობაში მონაწილეობის უფლება შესაძლებელია დადასტურდეს პროფესიული განათლების მართვის საინფორმაციო სისტემის წერილის საფუძველზე, შესაბამისად, პროფესიულ სტუდენტებს არ მოეთხოვებათ შპს ბათუმის დამოუკიდებელი სასწავლებლიდან ამ პუნქტში მითითებული ცნობის წარმოდგენა.

3. ბსუ-ს პროფესიული პროგრამების მართვისა და უწყვეტი განათლების ცენტრმა უზრუნველყოს გარე მობილობის მსურველთა დოკუმენტაციის მიღება, ბსუ-ს ვებგვერდზე (ველში - „განცხადებები“) განთავსებული განცხადების ტექსტის მომზადება და გარე მობილობასთან დაკავშირებით საქართველოს კანონმდებლობით განსაზღვრული მოთხოვნების შესრულება.
4. ბრძანება განთავსდეს ბსუ-ს ვებგვერდზე (ველში - „სამართლებრივი აქტები“ და „პროფესიული პროგრამების მართვისა და უწყვეტი განათლების ცენტრი“).
5. ბრძანება გასაცნობად და აღსასრულებლად დაეგზავნოს ბსუ-ს რექტორის მოადგილეს (თამარ სირაძე), ადმინისტრაციის ხელმძღვანელს, ბსუ-ს პროფესიული პროგრამების მართვისა და უწყვეტი განათლების ცენტრს, ხარისხის უზრუნველყოფის სამსახურს, შესაბამის ფაკულტეტებს, საფინანსო-ეკონომიკურ დეპარტამენტს, სასწავლო პროცესის დეპარტამენტს, საინფორმაციო ტექნოლოგიების სამსახურს და იურიდიულ დეპარტამენტს.
6. ბრძანება ძალაშია ხელმოწერისთანავე.
7. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

რექტორი, პროფესორი

 მერაბ ხალვაში

„ბსუ-ს პროფესიულ პროგრამაზე „ინფორმაციის ტექნოლოგიის მხარდაჭერა“ სხვა პროფესიული საგანმანათლებლო დაწესებულებებიდან გადმოყვანისათვის გარე მობილობის გამოცხადების შესახებ“

ბსუ-ს რექტორის 2022 წლის 30 ნოემბერი N 01-02/278 ბრძანების

დანართი N1

ბსუ-ს პროფესიული საგანმანათლებლო პროგრამა „ინფორმაციის ტექნოლოგიის მხარდაჭერა“ რომელზეც გამოცხადდა გარე მობილობა

	პროფესიული საგანმანათლებლო პროგრამა	პროფესიული საგანმანათლებლო პროგრამის მოცულობა კრედიტებში		პროფესიული საგანმანათლებლო პროგრამის ხანგრძლივობა თვეების მიხედვით		ადგილების რაოდენობა
		ქართულენოვანი სტუდენტებისათვის	არაქართულენოვანი სტუდენტებისათვის	ქართულენოვანი სტუდენტებისათვის	არაქართულენოვანი სტუდენტებისათვის	
1	ინფორმაციის ტექნოლოგიის მხარდაჭერა (III დონე, მოდულური)	64	79	10	13	11
	სულ:					11